



Broj: UP-I-18-037/21-774-2

19 . novembar 2021.godine

Ministarstvo poljoprivrede, šumarstva i vodoprivrede, na osnovu člana 30 stav 1 u vezi člana 1 stav 2 tačka 1 Zakona o slobodnom pristupu informacijama ("Sl.list CG", br.44/12 i 30/17), odlučujući po zahtjevu **NVU „Udruženja Drvoprerađivača Plav“** iz Plava, ul. Ribare br. 20, radi pristupa informacijama, donosi:

### RJEŠENJE

**ODBIJA SE Zahtjev za pristup informacijama NVU „Udruženja Drvoprerađivača Plav“** iz Plava kojim se traži uvid u dokumentaciju kako je »Boj Comerc« Andrijevica ušao da siječe drvne sortimente u rejonu »Babina Gora-Vaganica« (Plav) u 2020.godini i 2021.godini, a na način bliže opisan u zahtjevu, **kao neosnovan.**

### Obrázloženje

**NVU „Udruženje Drvoprerađivača Plav“** iz Plava, podnijelo je putem pošte Ministarstvu poljoprivrede, šumarstva i vodoprivrede zahtjev za slobodan pristup informacijama dana 03.11.2021.godine, a koji je zaveden kod ovog organa dana 05.11.2021.godine pod gornjim zavodnim brojem. Zahtjevom se traži da se shodno Zakonu o slobodnom pristupu informacijama dozvoli pristup uvidom u dokumentaciju kako je „ Boj Komerc“ Andrijevica ušao da siječe drvne sortimente u rejonu „Babina Gora-Vaganica “ u 2020 i 2021.godini, a na način bliže opisan u zahtjevu stranke.

U postupku po zahtjevu, uvidom u predmetni zahtjev, prvostepeni organ je utvrdio da iz činjenica navedenih u zahtjevu proizlazi da se u odnosu na tražene informacije vodi sudski postupak pred Osnovnim sudom u Plavu, te da podnositelj zahtjeva iste traži radi vođenja ovog postupka.

Polazeći od činjenica i okolnosti navedenih u zahtjevu, po ocjeni ovog organa odredbe Zakona o slobodnom pristupu informacijama se u konkretnom slučaju ne primjenjuju na podnositelja zahtjeva NVU „Udruženja Drvoprerađivača Plav“, kao stranku u sudskom postupku kojoj je pristup informacijama iz tog postupka utvrđen propisom.

Ovo s toga što je odredbom člana 1 stav 2 tačka 1 Zakona o slobodnom pristupu informacijama propisano da se odredbe Zakona o slobodnom pristupu informacijama ne primjenjuju na stranke u sudskim, upravnim i drugim na zakonu propisanim postupcima kojima je pristup informacijama iz tih postupaka utvrđen propisom.

Kako se predmetni zahtjev podnosioca NVU „Udruženja Drvoprerađivača Plav odnosi na podnositelja kao stranku u sudskom postupku koji se vodi pred Osnovnim sudom u Plavu, to se odredbe ovog zakona ne mogu primijeniti na podnositelja zahtjeva kao stranku u sudskom ili drugom na zakonu propisanom postupku, jer je podnositelju zahtjeva kao strancu u sudskom postupku pristup informacijama iz postupka koji se vodi pred nadležnim sudom utvrđen posebnim propisom, a ne Zakonom o slobodnom

pristupu informacijama, pa ministarstvo nalazi da je zahtjev stranke valjalo odbiti kao neosnovan u cijelosti.

Na osnovu izloženog, a primjenom člana 30 stav 1 i 5 u vezi člana 1 stav 2 tačka 1 Zakona o slobodnom pristupu informacijama, odlučeno je kao u dispozitivu rješenja.

**Uputstvo o pravnom sredstvu:** Protiv ovog rješenja može se izjaviti žalba, Agenciji za zaštitu ličnih podataka i slobodan pristup informacijama u roku od 15 dana od dana prijema rješenja, neposredno ili preko Ministarstva poljoprivrede i ruralnog razvoja. Žalba se podnosi u dva primjerka.

M i n i s t a r,

mr Aleksandar Stijović